


ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ  
ՁԵՐԲԱԿԱԼՎԱԾ ԱՆՁԱՆՑ ՊԱՀԵԼՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ  
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1393

27.12.2013թվ.


ՀՀ ոստիկանության պետ,  
զեներալ-լեյտենանտ  
պարոն. Վ. Գասպարյանին

Հարգելի պարոն Գասպարյան,



Սույն թվականի դեկտեմբերի 06-ին ժամը 09<sup>30</sup>-ին Դիտորդական խումբը այցելություն էր կատարել ՀՀ ոստիկանության Երևան քաղաքի վարչության Երևանի ՁՊՎ:

Դիտորդական խումբը ՁՊՎ մուտք գործելուց առաջ անձը հաստատող փաստաթղթերը ներկայացրել է հերթապահ ոստիկանին, որից հետո խումբը ստանում է մեկնաբանություն, որ նա իրավասու չէ Դիտորդական խմբի անդամներին ՁՊՎ-ի տարածք թողնելու, առանց ղեկավարությանը տեղյակ պահելու: Որոշ ժամանակ անց, առանց որևէ գործողություն կատարելու, նշված ոստիկանը հայտարարեց, որ Դիտորդական խմբի անդամների ցուցակը չունի և պարզաբանեց, որ Դիտորդական խումբը իրենց չի տրամադրել համապատասխան ցուցակը: Խմբի կողմից մեկնաբանություն տրվեց, որ Խումբը չպետք է իր անդամների ցուցակը տրամադրի ՁՊՎ-ին: Հաջորդիվ, որոշ ժամանակ անց, եկավ ինչ որ պատասխանատու ոստիկան և հայտարարեց, որ ցուցակը առկա է և պետք է միայն համեմատություն կատարել անձանց և ցուցակի միջև: Տեղեկացնենք, որ համեմատությունը կատարվեց ոչ ըստ Դիտորդական խմբի անդամների անձը հաստատող փաստաթղթերի՝ այլ ըստ ցուցակի բարձրաձայն կարդալով և ներկա-բացակա անելով, որից հետո միայն ներս թողեցին: Ըստ Դիտորդական խմբի՝ անհասկանալի է ՁՊՎ-ի վարչակազմի գործողությունները և պահվածքը, որի համար խնդրում ենք տալ առանձին մեկնաբանություն:







Երկրորդ դեպքում մրամնական վնասվածքները ավելացել են << աջ նախարակի և դաստակի հողին կար կարմրավուն երկու հետքեր >>:

Միաժամանակ խնդրում ենք ուշադրություն դարձնել, որ Հ. Ադամայանը անչափահաս է: /*կից ներկայացնում ենք փաստը հաստատող լուսանկար – 11,12/*

➤ Աշոտ Վաղարշակի Շառաֆյանը ՁՊՎ ընդունվելուց <<Ձերբակալված անձանց բուժօգնության և բուժզննության>> գնացամատյանի սունյակներում գրանցվել է, որ ՁՊՎ ընդունվելուց 26.03.2013թ-ին ժամը 01<sup>15</sup>-ին և հաջորդիվ 28.03.2013թ-ին ժամը 08<sup>00</sup>-ին ստացել է էքստրա-վալերիանի 3 և հաջորդաբար 4 հաբ, բայց համապատասխան գրանցամատյանի սյունյակներում ոչ գանգատ է ունեցել, ոչ մարմնական վնասվածք և ոչ էլ առողջական խնդիրներ: /*կից ներկայացնում ենք փաստը հաստատող լուսանկար – 15/*

➤ Արսեն Եղիշի Լևոնյանը ՁՊՎ ընդունվելուց 01.04.2013թ-ին ժամը 05<sup>25</sup>-ին գանգատվել է երիկամի ցավերից և առանց հետազոտվելու նրան տրամադրվել է <<սպազմագոն>> դեղահաբ, որը շարունական բնույթ է կրել 02.04.2013թ-ին ժամը 14<sup>20</sup>-ին, 03.04.2013թ-ին ժամը 04<sup>30</sup>-ին և նույն օրը՝ ժամը 23<sup>40</sup>-ին: /*կից ներկայացնում ենք փաստը հաստատող լուսանկար – 16/*

Այսպիսով՝ Դիտորդական խումբը գտնում է, որ ինչպես մարզային այնպես էլ Երևանի ՁՊՎ-ում բուժօգնությունը և բուժզննությունը պետք է իրականացվի շտապ օգնության բժիշկների կողմից, որովհետև աշխատող բուժակները չգիտեն, որ ձեռքը ազդր չունի և անձը պետք է հետազոտվի և նոր միայն դեղորայք տրամադրվի:

✓ 2. Նելլի (Քրսիտինե) Վալերիկի Հարությունյանը Էրեբունու բաժնի քննչական բաժնի կողմից ձերբակալվել է 26.10.2013թ-ին ժամը 02<sup>40</sup>-ին, իսկ ՁՊՎ է ընդունվել մոտ 16 ժամ անց՝ ժամը 18<sup>45</sup>-ին: Արդյունքում՝ ձերբակալվածի հետ 16 ժամ քննչական գործողություն են կատարել: /*կից ներկայացնում ենք փաստը հաստատող լուսանկար – 1/*

✓ 3. Արտավազ Լորայրի Բեգնազարյանը ձերբակալվել է 28.10.2013թ-ին ժամը 18<sup>45</sup>-ին: Ա. Բեգնազարյանի արգելանքի տակ գտնվելու առավելագույն ժամկետը լրանում էր 31.10.2013թ-իօն ժամը 17<sup>15</sup>-ին, բայց նա ըստ <<Ձերբակալվածներին խցերից դուրս բերելու>> գնացամատյանի՝ քննչական գործողությունների է տեղափոխվել 31.10.2013թ-ին ժամը 11<sup>35</sup>-ից մինչև 18<sup>35</sup>-ը: /*կից ներկայացնում ենք փաստը հաստատող լուսանկար – 1, 2/*

✓ 4. Սամվել Ռաֆիկի Եղոյանը ձերբակալվել է 30.10.2013թ-ին ժամը 16<sup>20</sup>-ին: Ս. Եղոյանի արգելանքի տակ գտնվելու առավելագույն ժամկետը լրանում էր 02.11.2013թ-ին ժամը 16<sup>20</sup>-ին, բայց նա ըստ <<Ձերբակալվածներին խցերից դուրս բերելու>>




- գրանցամատյանի՝ քննչական գործողությունների է տեղափոխվել 02.11.2013թ-ին ժամը 12<sup>45</sup>-ին և միայն ժամը 21<sup>40</sup>-ին ստացվել է նրա ազատ արձակման որոշումը / *կից ներկայացնում ենք փաստը հաստատող լուսանկար – 3,4/*
5. Արմեն Գուրգենի Խաչատրյանը ձերբակալվել է 01.11.2013թ-ին ժամը 21<sup>30</sup>-ին: Ա. Խաչատրյանի արգելանքի տակ գտնվելու առավելագույն ժամկետը լրանում էր 04.11.2013թ-ին ժամը 21<sup>30</sup>-ին, բայց նա ըստ «Ձերբակալվածներին խցերից դուրս բերելու» գնացամատյանի՝ քննչական գործողությունների է տեղափոխվել 04.11.2013թ-ին ժամը 13<sup>05</sup>-ին և միայն ժամը 23<sup>55</sup>-ին ստացվել է ազատ արձակման որոշումը: / *կից ներկայացնում ենք փաստը հաստատող լուսանկար – 5,6/*
6. Էլիալմ Ղասենի Շիրխանի ձերբակալվել է 08.11.2013թ-ին ժամը 16<sup>40</sup>-ին: Նրա արգելանքի տակ գտնվելու առավելագույն ժամկետը լրանում էր 11.11.2013թ-ին ժամը 14<sup>40</sup>-ին, բայց նա ըստ «Ձերբակալվածներին խցերից դուրս բերելու» գնացամատյանի՝ քննչական գործողությունների է տեղափոխվել 11.11.2013թ-ին ժամը 14<sup>00</sup>-ից մինչև 18<sup>45</sup>: / *կից ներկայացնում ենք փաստը հաստատող լուսանկար – 7,8/*
7. Արսեն Յուրիկի Կարապետյանը ձերբակալվել է 08.11.2013թ-ին ժամը 16<sup>30</sup>-ին: Նրա արգելանքի տակ գտնվելու առավելագույն ժամկետը լրանում էր 11.11.2013թ-ին ժամը 14<sup>30</sup>-ին, բայց նա ըստ «Ձերբակալվածներին խցերից դուրս բերելու» գնացամատյանի՝ քննչական գործողությունների է տեղափոխվել 11.11.2013թ-ին ժամը 14<sup>40</sup>-ին և միայն 12.11.2013թ-ին ժամը 02<sup>10</sup>-ին ստացվել է նրան ազատ արձակելու մասին որոշումը: / *կից ներկայացնում ենք փաստը հաստատող լուսանկար – 9,10/*
8. Արմենակ Դավիթի Ջավադյանը ձերբակալվել է Էրեբունու քննչական բաժնի կողմից 22.04.2013թ-ին ժամը 07<sup>30</sup>-ին, բայց ՁՊՎ է ընդունվել մոտ 20 ժամ անց՝ 23.04.2013թ-ին ժամը 03<sup>40</sup>-ին: Ավելացնենք նաև որ ըստ Երևան քաղաքի վարչության Երևանի ՁՊՎ-ի «ՁՊՎ-ում պահվող անձանց հաշվառման» գնացամատյանի՝ Ա. Ջավադյանը ՀՀ ԱՆ «Արբվյան» ՔԿՀ է տեղափոխվել 25.04.2013թ-ին ժամը 11<sup>50</sup>-ին, բայց Դիտորդական խումբը համագործակցելով ՀՀ ԱՆ քրեակատարողական հիմնարկներում և մարմիններում վերահսկողություն իրականացնող հասարակական Դիտորդական խմբի հետ ստացել է իմֆորմացիա, որ ըստ ՀՀ ԱՆ «Արբվյան» ՔԿՀ-ի մատյանների Ա. Ջավադյանը ՔԿՀ է ընդունվել 26.04.2013թ-ին ժամը 19<sup>30</sup>-ին, մոտ՝ 32 ժամ անց: / *կից ներկայացնում ենք փաստը հաստատող լուսանկար – 13/*
9. Գայանե Արթուրի Գրիգորյանը ըստ «ՁՊՎ-ում պահվող անձանց հաշվառման» գրանցամատյանի և պատասխանատու ոստիկանների մեկնաբանության ՀՀ Ոստիկանության Կենտրոնի բաժին բերման է ենթարկվել 04.12.2013թ-ին ժամը 11<sup>30</sup>-ին,

սակայն անձի բերման ենթարկելու արձանագրությունը բացակայում էր անձնական գործում և որի վերաբերյալ վարչակազմը մեկնաբանեց, որ քննիչը խոստացել է, որ մոտ ժամանակները կփոխանցի: Գ. Գրիգորյանը բերման ենթարկվելուց հետո, մոտ 7 ժամ անց է ձերբակալվել, ժամը 18<sup>10</sup>-ին և ՁՊՎ է տեղափոխվել 11 ժամ անց՝ 05.12.2013թ-ին ժամը 05<sup>20</sup>-ին: /կից ներկայացնում ենք փաստը հաստատող լուսանկար – 17,18/

Այսպիսով խնդրում ենք ուսումնասիրել ներկայացված փաստերը և տալ մեկնաբանություն ներկայացվածի վերաբերյալ:

Հարգանքներով՝

ՀՀ ոստիկանության համակարգի ձերբակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝



Հ. Սահակյան





**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ**

375025, ք. Երևան, Նալբանդյան 130 հեռ. 59-65-94

N 2/2-1- 131

<< 06 >> 02 2014թ.

Ձեր 27.12.2013թ. թիվ 2621/1393 գր.

**«Ոստիկանության համակարգի ձերբակալված անձանց պահելու վայրերում հասարակական դիտորդների խմբի նախագահ Հասմիկ Սահակյանին**

**Հարգելի տիկին Սահակյան**

Հայտնվում է, որ դիտորդների խմբի կողմից 2013թ. դեկտեմբերի 6-ին «Ոստիկանության Երևան քաղաքի վարչության ձերբակալվածներին պահելու վայր կատարած այցելության ընթացքում արձանագրված խախտումները և թերությունները ուսումնասիրվել են «Ոստիկանության շտաբում, քննչական գլխավոր և Երևան քաղաքի վարչություններում, որի կապակցությամբ տրվում են ներքոշարադրյալ մեկնաբանությունները:

Այցելության ժամանակ դիտորդական խումբը փոքրինչ ուշացումով է մուտք գործել ՁՊՎ վարչական շենք այն պատճառով, որ «Ոստիկանության Երևան քաղաքի վարչության ՁՊՎ առաջին պահակակետի ավագ ոստիկան, ոստիկանության ենթասպա Է.Թովմասյանը ճշտել է դիտորդների խմբի անդամների ինքնությունը, զեկուցել է ՁՊՎ ավագ տեսուչ-հերթապահ, ոստիկանության փոխգնդապետ Ա.Նալբանդյանին, դիտորդների խմբի անդամների վկայականները ստուգելուց հետո գրանցում է կատարել համապատասխան մատյանում, որից հետո ավագ տեսուչ-հերթապահ, ոստիկանության մայոր Ա.Սիմոնյանը դիտորդների խմբին ուղեկցել է ՁՊՎ վարչական տարածք:

**Թերություններ.**

1. Բուժսենյակի ջրի ծորակը փոխարինվել է նորով և ներկայումս գործում է:
2. ՁՊՎ-ի 4-րդ խուցը գտնվում է վարչական շենքի առաջին հարկում և լոգարանի հետ ունի ընդհանուր պատ, այդ պատճառով այն անընդհատ խոնավանում է: Նշված խուցը 3 տարի անընդմեջ վերանորոգվել է, իսկ վերջին վերանորոգումը կատարվել է 10.03.2013թ.: Ներկայումս այնտեղ դարձյալ կատարվում են վերանորոգման աշխատանքներ:
3. ՁՊՎ-ի 4-րդ և 5-րդ խցերը գտնվում են լոգարանի հարևանությամբ, որի հետևանքով խոնավանում են և ժամանակ առ ժամանակ այնտեղից խոնավության հոտ է գալիս, ինչի համար խցերը ամեն օր ախտահանվում են: Հարկ է նշել, որ նշված խցերում ձերբակալված անձինք չեն պահվում:
4. Ստուգման ընթացքում զուգարաններում զուգարանագոգերի ջրի տարաներից ջրի անընդհատ հոսքը ոչ թե տարաների անսարքության հետևանք է, այլ այն կապված է եղել այդ ժամին կատարվող սանմաքրման աշխատանքների հետ: Ներկայումս նշված տարաները գործում են անխափան:



5. ՁՊՎ ընդունվող յուրաքանչյուր ձերբակալվածին տրամադրվում է նոր օճառ, իսկ նախկին օգտագործվածը հեռացվում է: Օճառի և ջրի միախառնված լինելը ձերբակալվածների անփույթ օգտագործման հետևանք է:

**Խախտումներ.**

1. Համաձայն ՀՀ կառավարության 05.06.2008թ. թիվ 574-Ն որոշմամբ հաստատված «ՀՀ ոստիկանության համակարգում գործող ձերբակալվածներին պահելու վայրերի ներքին կանոնակարգ»-ի 13-րդ կետի ձերբակալվածի մոտ մարմնական վնասվածք կամ ակնհայտ հիվանդության նշաններ հայտնաբերելու կամ առողջության վերաբերյալ գանգատ լինելու դեպքում ոստիկանության մարմնի հերթապահը հրավիրում է բուժաշխատողի, հրավիրված բուժաշխատողն անհապաղ կատարում է բուժզննություն, որին կարող է մասնակցել նաև ձերբակալված անձի ցանկությամբ ընտրված բժիշկը...: Նույն կանոնակարգի 177-րդ կետի համաձայն ՁՊՎ-ում պահվող ձերբակալվածներին առաջին բուժօգնությունը ցույց է տրվում ՁՊՎ-ի բուժաշխատողի կամ շտապօգնության մասնագիտացված ծառայության կողմից:

- Ձերբակալված Արսեն Ավետիսյանի վերաբերյալ «Ձերբակալված անձանց բուժզննության կամ բուժօգնության» գրանցամատյանում 22.04.2013թ. ժամը 22.40-ին կատարված գրառումը՝ «ձախ ձեռքի ազդրին կան վերքեր» պարզապես վրիպակ է, որի մասին ՁՊՎ-ի ղեկավարությունը տեղյակ է պահել դիտորդների խմբին՝ հայտնելով, որ այն չի շտկվել, գրանցամատյանում ջնջումներ չլինելու համար:

- Հայկ Աղամալյանը ՁՊՎ է ընդունվել 10.04.2013թ. ժամը 06.00-ին, որի մոտ հայտնաբերվել է մարմնական վնասվածք, ինչի վերաբերյալ «Ձերբակալված անձանց բուժզննության կամ բուժօգնության» գրանցամատյանում կատարվել են համապատասխան գրառումներ և իրազեկվել է վարույթն իրականացնող մարմնին: ՁՊՎ ընդունվելու պահին Հ.Աղամալյանը գանգատներ չի ունեցել, որը նշվել է վերոգրյալ մատյանում, սակայն ընթացքում ունեցել է սրտի ծակոցներ, ինչի համար նրան տրվել է էքստրա-վալերիան: 11.04.2013թ. ժամը 17.20-ին առաջին դատական նիստից հետո ՁՊՎ վերադառնալով, Հ.Աղամալյանը խցում կատարել է ինքնավնասում՝ աջ ձեռքի դաստակի ներսի մասը շփելով մահճակալի երկաթյա խողովակին և ստացել մարմնական վնասվածք: Փաստի առթիվ անմիջապես ահազանգ է տրվել ոստիկանության Երևան քաղաքի վարչության օպերատիվ կառավարման կենտրոն և ոստիկանության Էրեբունու բաժին, որի մասին «Ձերբակալված անձանց բուժզննության կամ բուժօգնության» գրանցամատյանում կատարվել է մարմնական վնասվածքի վերաբերյալ երկրորդ գրառումը: 12.04.2013թ. դատարանի կողմից որոշում է կայացվել Հ.Աղամալյանի նկատմամբ որպես խափանման միջոց ընտրել կալանավորումը և վերադարձվել է ՁՊՎ: 13.04.2013թ. ժամը 09.20-ին կրկին չափվել է վերջինիս արյան ճնշումը և նրա անհանգիստ վիճակի համար նորից տրվել է էքստրա-վալերիան, որից հետո տեղափոխվել է ՔԿՀ:

- Աշոտ Շառաֆյանը 26.03.2013թ. ժամը 01.15-ին ընդունվել է ՁՊՎ: Ընդունման պահին առողջության հետ կապված գանգատներ չի ունեցել, ինչի մասին գրանցամատյանի համապատասխան սյունակում կատարվել է գրառում: Քիչ հետո Ա.Շառաֆյանը գանգատվել է սրտի ծակոցներից և նրան տրվել է էքստրա-վալերիանայի հար: Նույն գանգատները Ա.Շառաֆյանը հայտնել է նաև երկու օր հետո՝ 28.03.2013թ. ժամը 08.00-ին, որի համար նրան դարձյալ տրվել է էքստրա-վալերիանայի հար:

- Արսեն Լևոնյանը 01.04.2013թ. ժամը 05.25-ին ընդունվել է ՁՊՎ, սահմանված կարգի համաձայն ենթարկվել է բուժզննության, ըստ ձերբակալվածի բանավոր հայտարարության երիկամների շրջանում ունեցել է ցավեր և նրան տրվել է սպազմագոն: Ցավերը շարունակական բնույթ են կրել, սակայն ձերբակալվածի մոտ ծայրահեղ վիճակ չի գրանցվել, ինչի համար շտապ բուժօգնության խումբ չի հրավիրվել:



2 Նելլի Հարությունյանը 26.10.2013թ. ժամը 02.40-ին բերման է ենթարկվել ոստիկանության Էրեբունու բաժին, որտեղ նյութերի նախապատրաստման ընթացքում վերջինս իր ինքնության և կենսագրական տվյալների վերաբերյալ հայտնել է աղավաղված տեղեկություններ: Ժամը 05.40-ին Ն.Հարությունյանն ազատ է արձակվել և նրա ազատ տեղաշարժվելու իրավունքը չի սահմանափակվել: Նույն օրը, ժամը 13.30-ին Ն.Հարությունյանի անձնական տվյալները ճշտելուց հետո վերջինս ներկայացվել է Էրեբունու քննչական բաժին: Ն.Հարությունյանը քննիչի կողմից ձերբակալվել է 26.10.2013թ. ժամը 14.10-ին, և հարցաքննությունից հետո՝ ժամը 18.45-ին ընդունվել է ՁՊՎ, սակայն «ՁՊՎ-ում պահվող անձանց հաշվառման» գրանցամատյանում թյուրիմացաբար գրվել է ոչ թե՛ ձերբակալման այլ բերման ենթարկելու (02.40) ժամը:

3. Արտավազը Բեկնազարյանը ձերբակալվել է 28.10.2013թ. ժամը 17.15-ին, այլ ոչ թե 18.45-ին և մինչև ձերբակալման 72 ժամը լրանալը՝ 31.10.2013թ. ժամը 11.35-ին նա տեղափոխվել է ՁՊՎ-ից դուրս՝ քննչական գործողություններ կատարելու և այդ ընթացքում վարույթն իրականացնող մարմնի որոշմամբ փաստացի ազատվել է արգելանքից, սակայն ՁՊՎ վարչակազմը քննիչի կողմից կայացված ազատման որոշումը ստացել է նույն օրը ժամը 18.35-ին:

4. Սամվել Եղոյանը ձերբակալվել է 30.10.2013թ. ժամը 16.00-ին այլ ոչ թե 16.20-ին: Մինչև ձերբակալման 72 ժամը լրանալը՝ Ս.Եղոյանը 02.11.2013թ. ժամը 12.45-ին տեղափոխվել է ՁՊՎ-ից դուրս՝ քննչական գործողություններ կատարելու և այդ ընթացքում վարույթն իրականացնող մարմնի որոշմամբ նա փաստացի ազատվել է արգելանքից, սակայն ՁՊՎ վարչակազմը քննիչի կողմից կայացված ազատման որոշումը ստացել է նույն օրը ժամը 21.40-ին:

5. Արմեն Խաչատրյանը ձերբակալվել է 01.11.2013թ. ժամը 21.30-ին և մինչև ձերբակալման 72 ժամը լրանալը՝ Ա.Խաչատրյանը 04.11.2013թ. ժամը 13.05-ին տեղափոխվել է ՁՊՎ-ից դուրս՝ քննչական գործողություններ կատարելու և այդ ընթացքում վարույթն իրականացնող մարմնի որոշմամբ նա փաստացի ազատվել է արգելանքից, սակայն ՁՊՎ վարչակազմը քննիչի կողմից կայացված ազատման որոշումը ստացել է նույն օրը ժամը 23.55-ին:

6. Էլիավ Արիսանին ձերբակալվել է 08.11.2013թ. ժ.16.40-ին և նրա արգելանքի տակ գտնվելու առավելագույն ժամկետը լրանում է 11.11.2013թ. ժ.16.40-ին, այլ ոչ թե 14.40-ին: Կալանքը որպես խափանման միջոց ընտրելու միջնորդությունը քննության առնելու համար է.Շիրիսանին 11.11.2013թ. ժ.14.00-ին տեղափոխվել է դատարան և դատարանի կողմից նրա նկատմամբ կայացվել է կալանքի որոշում: Նույն օրը ժ.17.45-ին է.Շիրիսանին որպես կալանավոր տեղափոխվել է ՁՊՎ և հաջորդ օրը՝ 12.11.2013թ. ժ.10.50-ին տեղափոխվել «Արմյան» ՔԿՀ:

7. Արսեն Կարապետյանը ձերբակալվել է 08.11.2013թ. ժամը 16.30-ին: Նրա արգելանքի տակ գտնվելու առավելագույն ժամկետը լրանում էր 11.11.2013թ. ժամը 16.30-ին, այլ ոչ թե ժամը 14.30-ին: Մինչև ձերբակալման 72 ժամը լրանալը՝ Ա.Կարապետյանը 11.11.2013թ. ժամը 14.40-ին տեղափոխվել է ՁՊՎ-ից դուրս՝ քննչական գործողություններ կատարելու և այդ ընթացքում վարույթն իրականացնող մարմնի որոշմամբ նա փաստացի ազատվել է արգելանքից, սակայն ՁՊՎ վարչակազմը քննիչի կողմից կայացված ազատման որոշումը ստացել է 12.11.2013թ. ժամը 02.10-ին:

Հարկ է նշել, որ վարույթն իրականացնող մարմնի կողմից ձերբակալված անձանց արգելանքից ազատելու մասին որոշումներն ուղացումով ՁՊՎ ստացվելու հանգամանքը պայմանավորված է եղել զուտ տեխնիկական բնույթի խնդիրներով, որոնց հետևանքով ձերբակալված անձանց իրավունքները չեն խախտվել:

8. Արմենակ Զավադյանը բերման է ենթարկվել 22.04.2013թ. ժամը 07.30-ին և ձերբակալվել է նույն օրը ժամը 10.30-ին: Ա.Զավադյանի մասնակցությամբ կատարվել են մի շարք անհետաձգելի քննչական գործողություններ և 23.04.2013թ. ժամը 03.40-ին տեղափոխվել է ՁՊՎ: 24.04.2013թ. ժամը 14.50-ին Ա.Զավադյանը տեղափոխվել է դատարան կալանավորումը



որպես խափանման միջոց կիրառելու հարցը քննության առնելու: Դատարանի որոշմամբ Ա.Ջավադյանի նկատմամբ խափանման միջոց է ընտրվել կալանավորումը և նույն օրը որոշումը տրամադրվել է ՁՊՎ վարչակազմին՝ Ա.Ջավադյանին <<Աբովյան>> ՔԿՀ տեղափոխելու համար: 25.04.2013թ. ժամը 11.50-ին Ա.Ջավադյանը ոստիկանության Երևան քաղաքի վարչության ուղեկցող դասակի կողմից տեղափոխվել է <<Աբովյան>> ՔԿՀ: Ինչ վերաբերվում է ՀՀ ԱՆ քրեակատարողական հիմնարկներում և մարմիններում վերահսկողություն իրականացնող հասարակական դիտորդական խմբի կողմից տրամադրված ինֆորմացիային, որ Ա.Ջավադյանը ՔԿՀ է ընդունվել 26.04.2013թ. ժամը 19.30-ին, ապա այդ տեղեկատվությունն իրականությանը չի համապատասխանում և նշվածի վերաբերյալ առկա է համապատասխան փաստաթուղթ:

9. Գայանե Գրիգորյանը ոստիկանության Կենտրոնական բաժին բերման է ենթարկվել 04.12.2013թ. ժամը 11.30-ին, երեք ժամ անց վերջինս ազատ է արձակվել, իսկ նախապատրաստված նյութերն ուղարկվել են Կենտրոնի քննչական բաժին: Նույն օրը ժամը 18.10-ին Կենտրոնի քննչական բաժնում ձերբակալվել է: Հարուցված քրեական գործի շրջանակներում Գ.Գրիգորյանի մասնակցությամբ կատարվել են մի շարք անհետաձգելի քննչական գործողություններ՝ խուզարկվել են Երևան քաղաքի Կիևյան և Թումանյան փողոցներում գտնվող թվով 2 բնակարաններ, որից հետո 05.12.2013թ. ժամը 05.20-ին Գ.Գրիգորյանը տեղափոխվել է ՁՊՎ: Ինչ վերաբերվում է Գ.Գրիգորյանի անձնական գործում նրան ոստիկանության բաժին բերման ենթարկելու մասին արձանագրության բացակայելուն, ապա այն ՁՊՎ է ներկայացվել փոքրինչ ուշ, որի համար ՁՊՎ վարչակազմը նախազգուշացվել է:

Միաժամանակ հայտնվում է, որ ՀՀ քրեական դատավարության օրենսգրքի 205<sup>1</sup>-րդ հոդվածը սահմանում է միայն **հարցաքննության որպես քննչական գործողության** առավելագույն տևողությունը, իսկ մյուս քննչական կամ դատավարական գործողությունների կատարման համար օրենսդիրը առավելագույն տևողություն չի սահմանում:

**ՀՀ ոստիկանության շտաբ**